



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bernardini Scardaeonii Patauini Presbyteri de Castitate Libri Septem

Scardeone, Bernardino

Venetiis, 1542

Non esse ex ueteri instrumento omnia trahenda exemplum cap. xxv

urn:nbn:de:hbz:466:1-30433

bendo cupiditas.
Non esse ex ueteri instrumento omnia trahenda
in exemplum. Cap. XXV.

Atendas quæso quanta diuersitas Hebræorum
atque Christianorum sit: licitum siquidem fuit il
lis aliquando aliena rapere, odisse, fornicari, & a
lia eiusmodi, quæ nobis nunquam, & nihilominus. Re
cedentes enim ab Ægyptia seruitute, ueste, argento, &
auro, & pretiosissimis quibusq; rebus, iubente domino
& si dolosæ licite tamen ex spoliauerunt Ægyptios, fe
ceruntq; sibi filios fornicationis, oderuntque, & occide
runt crudeliter inimicos. Nunquid hinc sibi quisquam
sumendum exemplum putet? quum sint hæc Christia
næ pietati & euangelio quàm maxime aduersa. At et ut
apertius uideas, quantum inter nos, & illos differat: au
di dominum ita dicentem. Dicitum est antiquis, nō mœ
chaberis: ego autem dico uobis si quis aspexerit mulie
rem ad concupiscendam eam, iam mœchatus est in cor
de suo. Et rursum, dicitum est antiquis, non occides.
Ego autem dico uobis, quia omnis qui irascitur fratri
suo, homicida est. Et iterum dicitum est antiquis non per
iurabis. Et ego dico uobis: nolite iurare omnino, sit ser
mo uester, est est, non non, Item alibi. Dicitum est anti
quis. Diliges proximum tuum, & odio habebis inimicū
tuum. Et ego dico uobis, diligite inimicos uestros, & be
nefacite his, qui oderunt uos. Quin etiam si uis de hac
re euidentius noscere: attende quomodo tunc habeban
tur maledicti steriles, & qui non reliquerint semen in Is
rael: nunc autem benedicitur his, qui se castrauerunt pro
pter regnum cœlorum: & alibi dicitur, Letare sterilis q̄
non parit. Sed quid plura? quàm male conferenda est
caro spiritui: tam male confertur Hebræorum sacerdo
tium sacerdotio Christianorum. De carne illi quidem
carnalia tantum metebant: at nostri de spiritu metunt

Exodi. 12

Matth. 5

Ibidem.

Ibidem.

Ibidem.

Matth. 19

Gal. 4

DE CONIV. ET CONTI. SACER.

etiam coelestia. Eximatur itaque id prorsus animo, ut credamus mundissimum, atque purissimum Christi sacerdotium recte posse cum sordibus libidinis, & cum nuptiarum uoluptatibus commisceri. Fallitur sane quisquis Hebræorum mores in eo sectandos censet, siue etiam Græcorum: & non potius Christi, & apostolorum, atque catholicorum. Nam si patrum ueteris testamenti uestigiis uoluerimus inhærere, & non Christi potius & sanctorum suorum, non ibimus sanè cum sanctis in gloriam post Christum, quando nec ipsi patres ueteris testamenti eo intrare ulla sua iustitia potuerunt, nisi cum Christo. Cæterum quid attinet ut in hac re, uel alia auctoritate, uel aliis argumentationibus annitamur? quum iam lex illa uetus figuris, & adumbrationibus tota inuoluta in aduentu Christi explicata sit, & uelamen eius scissum, & ueritas reuelata? Nimirum tunc excussis procul tenebris lucidus ille euangelii dies illuxit nobis: de quo dominus dixit, Ecce dies uenient, & consumabo super domum Israel, & super domum Iuda testamentum nouum, non secundum testamentum quod fieri patribus eorum. Quid ergo ueteribus novos pannos insuimus? & in utres ueteres nouum uinum infundimus? Vetera quidem transferunt, & noua facta sunt omnia, iuxta dictum illud sedentis in throno, & dicentis. Ecce noua facio omnia. Quid enim si tantopere placent Iudæorum matrimonia: cur non uobis & præputium illorum exemplo secatis? pecora non immolatis? suibus non abstinetis? At si hæc omnia uos sine ulla prorsus contentione reicitis: quid est, quod ab his duntaxat coniugiorum exempla retinetis? Sicut ergo in illis imitandi non sunt, sic nec in hoc, sectandi. Id quoque ad mysterium facere uidetur, quod de Mosis nuptiis, & Iosue coelibatu in ueteri testamento legitur. Nam Moses, qui connubii iugo fuit alligatus, præsignare uideatur iugum ueteris legis. Iosue uero solutus, ac coe-

Jer. 31

Heb. 8

Matth. 9

Apo. 21

lebs euangelii libertatem. Hinc est quod is terram
 promissionis obtinuit coelebs, quam Moses maritus
 tus, quantavis sanctitate pollens, attingere non po-
 tuit. Ad id pertinet etiam Helix, & Helisei coelibas
 tus, quum nusquam legatur ante euangelium, ab
 ullo alio, præterquam ab his mortuos ad uitam sus-
 cille reuocatos. Præfigurabant hi quidem euange-
 lium, & euangelizantium castitatem: quorum est ex-
 citare mortuos, effugare dæmones, & alia ualde
 mirabilia facere. Addas & his, si placet, Ieremiam:
 cui ex diuino mandato nec uxor nec liberi fuerant:
 quum, & ipse uere Christi sacerdotium præsignaret,
 quem clarissime præcinit esse uenturum.

Castitatem non esse omnino naturæ con-
 trariam, ut plerique dicunt.

Cap. XXVI.

Sed iam de Sinagoga egressi disceptemus de in-
 ceptis de eo, quod a multis dubitatur, id est, an
 contiueri se a uenere sit impossibile? & quid
 ualeant utrinque argumenta noscamus. Neque es-
 nim uiro prudenti tam uerbis, et opinionibus quàm
 necessariis rationibus, et scripturarum testimoniis con-
 uenit assentiri: quoniam opinio sæpe fallitur, ratio,
 si uera est, semper immota manet. Primo ergo
 sciendum est, a magnis, et eruditis philosophis, et
 ab ipso etiam Epicuro, quem mollem, et uoluptu-
 arium appellamus, uoluptatum genera trifariam so-
 lere distribui: partim in naturales, et necessarias, par-
 tim in naturales tantum. Naturales, et necessarias
 dicunt esse, edendi, bibendi, dormiendi, quæ fa-
 ciunt necessario ad conseruationem naturæ. Na-
 turales uero tantum appellant, acquirendi, ulciscen-
 di, et coeundi libidinem, et eiusmodi, quarumuis